

7. október 1987

873

Nr. 465

REGLUR

um söluskatt og sérstakan söluskatt af tölvum og tölvubúnaði.

Skv. heimild í lögum nr. 10/1960 um söluskatt og lögum nr. 68/1987 um ráðstafanir í fjármálum hafa verið settar eftirfarandi reglur um söluskatt og sérstakan söluskatt af tölvum og tölvubúnaði.

1. Sala á tölvum og hlutum í þær (þ.e. vélbúnaðurinn) er söluskattsskyld og ber því að greiða 25% söluskatt af henni. Sama á við um viðgerðir á tölvum svo og þjónustusamninga um viðhald og eftirlit með þeim (þ.e. vélbúnaðinum). Þá er sala á óáteknum miðlum (t.d. diskettum og böndum) söluskattsskyld með sama hætti.
2. Af vinnu forritara og kerfisfræðinga við hönnun, viðhald og aðvinnslu á hugbúnaði ber að greiða 10% sérstakan söluskatt. Sama á við um sölu forrita ásamt uppsetningu þeirra og aðlögun að þörfum viðkomandi notanda auk leiðbeiningaþjónustu og ráðgjöf fyrir notendur hugbúnaðarins svo og útleigu á tölvum og útselda tölvuvinnslu ásamt tölvuþjónustu um símalínu.
3. Tölvunám og kennsla í gerð hugbúnaðar, sem fram fer á formlegum námskeiðum, án þess að tengjast sölu tölva eða tölvuþjónustu til viðkomandi nemanda er skattfrjál. 3.
4. Innflutningur á tölvubúnaði og hugbúnaði til eigin nota er skattskyldur með sama hætti og rakið er í lið 1 og 2 hér að framan.
5. Reglur þessar öðlast þegar gildi og koma til framkvæmda í fyrsta sinn við uppgjör söluskatts og sérstaks söluskatts vegna septembermánaðar 1987. Jafnframt er dreifibréf ráðuneytisins um sama efni frá 9. september s.l. hér með afturkallað.

Fjármálaráðuneytið, 7. október 1987.

Jón Baldvin Hannibalsson.

Lárus Ögmundsson.

9. október 1987

Nr. 466

AUGLÝSING

um breytingu á grunnfjárhæðum skv. 4. og 6. gr., sbr. 22. gr. laga nr. 83/1984 um erfðafjárskatt.

Grunnfjárhæð skv. 4. gr. verður kr. 306 500,00.

Grunnfjárhæð skv. 6. gr. verður kr. 22 100,00.

Breyting þessi tekur gildi 1. desember 1987 og gildir til jafnlengdar á næsta ári.

Félagsmálaráðuneytið, 9. október 1987.

F.h.r.

Hallgrímur Dalberg.

Hólmfríður Snæbjörnsdóttir.

B 59